



UNIVERSITÄTS-  
BIBLIOTHEK  
PADERBORN

## **Corpus Juris Canonici**

**Gregor <XIII., Papst>**

**Coloniae Munatianæ, 1665**

IX. De Confirmatione Electoris.

---

[urn:nbn:de:hbz:466:1-62915](https://nbn-resolving.org/urn:nbn:de:hbz:466:1-62915)

DE CONFIRMATIONE  
ELECTIONIS.

TITVLVS IX.

*Electus debet intra mensē consentire electioni, alioqui alius poterit eligi, hoc dicit.*

**N**unc videndum est de confirmatione. Sciendum est itaq; in primis, Gregoriana constitutione a in Lugdunensi Concilio cautum fuisse, ut electores, quam primum commodè possint, operam dent, ut electi consensum habeant: quem si infra mensē, sine causa legibus cognita, electus accommodare distulerit, iure, si quod ei fuerat ex tali electione quaesitum, statim carere debere: Electoresque ad aliam electionem libere posse conuolare.

*Electus post consensum electioni praestitum, vel notitiam habitam, debet intra mensē ad sedem Apostolicam iter arripere, & quanto citius poterit, confirmationem obtinere.*

**E**adem constitutione b cavetur, electum infra tres menses post consensum electioni praestitum, si nullum iustum impedimentum obstitat, confirmationem à superiore Prelato petere debere: alioqui trimēstri spatio elapso electionem esse penitus irritandā. Sed cum interdum eveniat, ut aliquorum locorum vicinitas minus exigit, aliquorum distantia prolixius tempus exposcat, consultissimè Nicolaus c tertius sanxit: Ut electi quorum electionum confirmationes ad sedem Apostolicam exarum deducit immediata subjectio, vel appellatio interjecta devolvit, infra mensē post consensum, vel habitā de ipsorum selectione notitiam, ad sedem ipsam Apostolicam iter arripiant, & quanto citius commodè poterunt, cum omnibus iuribus coram sede Apostolica personaliter comparere, nitantur, suarum electionum confirmationes petitori: aliaq; insuper adiecit, quibus Ecclesiarum periculosis vacationibus ac malignantium subterfugijs, electorumq; incommodis facile occurratur, quae non solum in electionibus, verum etiam in postulationibus obtinere voluit.

*Non confirmatus non potest res Ecclesiae administrare, h. d.*

**Q**uandiu d autem quis confirmatus non est, rerum Ecclesiasticarum administrator esse non potest, si negotijs Ecclesiae, ad quam vocatus est, sese temerè ingesserit, omni iure, quod ei per electionem quaesitum fuerit, statim privandus erit: nullo neque Decononatus, nec procuratoris prae-textu excusandus.

*Electo non est obediendum, nisi literae confirmationis ostēderit, h. d.*

**P**er et igitur is qui confirmatus est, ab Apostolica sede literas, confirmationis suae tenore continentes, illisq; ostendat, ad quos ea res pertinet: alioqui nulli eum absque dictarum literarum ostensione recipere tenebuntur. Quod & in promotione apud dictam sedem facta, & in consecrationis, vel benedictionis munere, locum sibi vindicat.

*Confirmatio non conceditur, nisi cum causa cognitione, h. d.*

**I**tautem e, ad quem confirmatio pertinet, diligenter examinare debet, & electionis processum, & personam electi: est enim hoc generale, ut ad eum pertineat examinatio, ad quem manus impositio spectat. Et cum omniniter concurrunt, tunc manus ei confirmationis impendat. Quod si secus factum fuerit, non solum deiciendus erit indignè promotus, verum etiam indignè promovens puniendus. Nihil est enim quod Ecclesia Dei magis officiat, quam si indigni ad regimen assumantur animarum. Quod cum in cunctis sacris ordinibus sibi locum vendicat, in Episcopo tamen multo fortius: qui ad curam aliorum positus, in se ipso debet ostendere, quomodo careros in domo Dei oporteat conversari. Quod si forte eligentium vota in duas se dividerint partes, is confirmatoris judi-

cio alteri preferendus erit, qui majoribus juvatnr studiis & meritis.

*Si unus sit postulator, alius electus, proponitur electus a quo idoneus, nisi postulantium sit duplo major numerus. Quis tamen si indigniter indignum postulaverint, nec electio valet: sed si scienter, electio tenet, hoc dicit.*

**E**t a si vacante Ecclesia, scisso in duas partes capitulo, alius quidem electus fuerit, alius vero postulator, quæri potest, electione confirmanda, an vero postulatio sit admittenda? In qua specie si tam postulator, quam electus sint idonei, responsum est, si postulantium numerus sit eligentium duplo major, utiq; postulationem esse admittendam: sin id minus, electionem confirmandam. Sed si postulantes indignum necii postulaverunt, nec postulatio, nec electio rata habenda erit: si scientes & prudentes, erit electio confirmanda.

*In confirmatione faciēda citandi sunt, quorum interesse potest. Et calumniosos opposcentes, puniuntur, h. d.*

**I**llud b etiam confirmantem observare oportet, ne, dum nimia in confirmando celeritate utitur, contra doctrinam Apostoli proprium affectum iuri & aequitati præponat. Itaque, si coelectus aliquis, vel contradictor appareret, ante confirmationem nominatim vocandus est: alioqui si nemo apparet in foribus Ecclesiae, in qua electio facta est, generaliter edicendum erit, ut si qui sint, qui confirmationi futuræ velint opponere, ad contradicendum in assignato peremptorio termino praesentes esse debeant. Quæ omnia locum habent, si concorditer electio fuerit celebrata, si non. Sciant tamen ii, qui contra electionem opponendum duxerint, se, si probationibus destituti fuerint, ab omni poenitentiae praedio exclusos, legitimis poenis esse subiciendos.

*Potest dispensari cum electo schismatico, si nullum ordinem à schismatico suscepit, h. d.*

**D**e illo dubitari contingit, an ejus, qui abjurato schismate ad unitatem ecclesiae rediit, confirmanda sit electio? & responsum est, si à schismaticis nullum suscepit ordinem, & ejus electio canonicè celebrata deprehendatur, posse illam dispensativè confirmari.

*Confirmatus & nondum consecratus, exercet solum quæ sunt jurisdictionis, non quæ sunt ordinis. Et nemo dat, quod non habet, h. d.*

**I**gitur confirmatione secuta, inter electum & personas eligentium, hoc est, Ecclesiam, spirituale conjugium d contrahitur. Quapropter confirmatus liberam super illis statuendi non ceditur facultatem. Hoc autem sic intelligi oportet e, eorum quidem quæ jurisdictionis sunt, utputa, corrigendi, excommunicandi, iusjurandum exigendi, conferendi, confirmandi, & iis similibus, libera confirmatio permittitur tractatio: Ea verò, quæ non jurisdictionis, sed ordinis sunt f, veluti Clericorum ordinationes, benedictiones virginum, depositiones, Ecclesiarum & altarium consecrationes, ante propriam consecrationem peragere prohibetur. Neque enim ratio suadere videtur, ut quis in alios id conferre possit, quo eundem indigere dignoscitur. Quod si consecratus sit, non solum quæ jurisdictionis, verum etiam quæ ordinis sunt, exequi poterit.

DE CONSECRATIONE.

TITVLVS X.

*Consecratio expediri debet intra tres menses post confirmationem, hoc dicit.*

**D**ebet igitur is qui canonicè electus, confirmatus & examinatus est, novissime consecrari. Quod si quidem ne Ecclesia Pastoris quasi destituta solatio, aliquid patiatnr incommodum, intra tres menses

a C. scriptum est, ext. de elect. b C. fin. de elect. in 6. c C. qua diligenter, ext. de elect. d C. 2. §. si quis autem, ext. de translat. Episc. e Gl. si. ca. transmissa, extr. de elect. f C. quod si cur. §. praterea, & d. gl. si. ext. de elect. g Can. 2. dist. 75.

